

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0064704 25
Zenica, 06.08.2025. godine

OPĆINSKOM SUDU U
Sudiji za prethodno saslušanje

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku F BiH, *p o d i ž e m*

O P T U Ž N I C U

Protiv,

Č. N., ranije osuđivan

da je:

Dana 13.07.2025.godine, oko 18,00 sati, na području općine ..., u mjestu ..., u porodičnoj kući njegove kćerke ... i njenog supruga ..., nasiljem, drskim i bezobzirnim ponašanjem ugrozio mir, tjelesnu cjelovitost i psihičko zdravlje svoje kćerke ... i svoje supruge ..., na način da je, nakon što je nepozvan i u alkoholiziranom stanju, došao do pomenute kuće i ušao u dnevni boravak iste, u kojoj kući su bili prisutni njegova kćerka ..., njegova supruga ..., kao i njegov zet ...koji je spavao u susjednoj sobi, bez ikakvog povoda i razloga stisnutom pesnicom šake udario kćerku ... u predjelu glave, uslijed koje siline udarca je ista pala na patos, nakon čega ju je nastavio tući nogama po cijelom tijelu, a kada je njegova supruga ... pokušala da ga spriječi u daljem nasilju, istu je, također, udario zatvorenom pesnicom šake u predjelu glave od kojeg udarca je ista pala na patos, iako je znao i bio svjestan da na naprijed opisani način nasiljem, drskim i bezobzirnim ponašanjem ugrožava mir, tjelesnu cjelovitost i psihičko zdravlje kćerke ... i svoje supruge ... sa kojom živi u zajedničkom domaćinstvu, a što je i htio, a kada je iz susjedne sobe, nakon što je čuo galamu i udarce, u dnevni boravak ušao i ... suprug, ..., i pokušao da ga smiri, isti je zakoračio prema ... prijeteci mu „Sad ću tebe ubiti!“, nakon čega je prisutnima zaprijetio da, ukoliko mu za dvadesetčetiri sata ne donesu 20.000,00 EURA za kćerku ..., da će uzeti kalašnjikov i pobiti ih sve, pa čak i one najmanje, misleći na dvoje mladb. djece njegove kćerke, da bi potom, a nakon što je u međuvremenu ... putem telefona prijavila događaj policijskoj stanici ..., na lice mjesta došli i policijski službenici koji su ga, nakon što su se upoznali sa prethodnim dešavanjima, najprije pokušavali smiriti, a kada isti nije pristao da se smiri nego je pred policijskim službenicima prijetio da će pobiti članove svoje porodice, istom su izdali naredbu da će biti lišen slobode, zbog čega je zatim policijski službenik ... prišao N. u namjeri da ga stavi pod kontrolu, da bi N., u namjeri da silom spriječi službenu osobu pri obavljanju poslova javne sigurnosti i čuvanja javnog reda, jako povukao svoju ruku i otrgnuo se iz ruke policijskog službenika, nakon čega je istom zatvorenom pesnicom šake zadao udarac u predjelu grudnog koša i odbacio ga od sebe, a potom stao u gard u

namjeri da se fizički obračuna sa policijskim službenicima, iako je znao i bio svjestan da policijski službenici navedenu radnju preduzimaju u okviru službenih dužnosti i ovlasti, te da ih na taj način sprječava u započetoj službenoj radnji lišavanja slobode, a što je i htio, nakon čega su mu policijski službenici ponovo izdali naredbu da će biti lišen slobode te istog stavili pod kontrolu i lišili slobode.

dakle, nasiljem, drskim i bezobzirnim ponašanjem ugrozio mir, tjelesnu cjelovitost i psihičko zdravlje članova svoje porodice i silom pokušao spriječiti službene osobe u vršenju službene radnje koju su poduzeli u okviru svojih ovlasti

čime bi učinio krivično djelo nasilje u porodici iz člana 222. stav 2. u vezi sa stavom 1. KZ F BiH i krivično djelo sprečavanje službene osobe u vršenju službene radnje iz člana 358. stav 1. u vezi sa članom 28. a sve u vezi sa članom 54. KZ F BiH,